

史記



浙江圖書館

國立浙江大學  
圖書館

浙 江 圖 書 館

登記號 114447



浙江圖書館



浙江圖書館



浙江圖書館



浙江圖書館





秦始皇本紀第六〇史記卷之六

秦始皇帝者秦莊襄王子也索隱曰莊襄王者孝文昭襄王之孫

也名子楚按戰國策本名子異後為華莊襄王為秦質

子於趙正義曰質音致國疆欲待弱之來相事故遣子及貴臣往

為質音直實反又鄭交質王子狐為質於鄭鄭亦為交質音致左傳云周見呂

不韋姬悅而取之索隱曰按不韋傳云不韋陽翟大賈也其姬邯鄲豪家女善歌舞有娠而

獻於子楚生始皇以秦昭王四十八年正月生於邯

鄲及生名為政姓趙氏徐廣曰一作正宋忠云以正月旦生故名正。索隱曰系

本作政又生於趙故曰趙政一曰秦與趙同祖以趙城為榮故姓趙氏。正義曰正音政周正建子之正也始皇以正月

曰生於趙因為政後年十二歲莊襄王死政代立為



秦王當是之時秦地已并巴蜀漢中越宛有郢  
置南郡矣北收上郡以東有河東太原上黨郡  
東至滎陽滅二周置三川郡呂不韋為相封十  
萬戶號曰文信侯招致賓客游士欲以并天下

李斯為舍人文穎曰主廐內小吏官名或曰侍從賓客謂之舍人也蒙敖馬王齮

徐廣曰一作齮。索隱曰蒙敖齊人蒙武之父蒙恬之祖王齮即王騎昭王二十九年大夫陵伐趙者。正義曰齮魚

綺反劉伯莊云音綺後同麴公等為將軍應劭曰麴秦邑。索隱曰麴公蓋麴邑公史失其姓

名。正義曰麴彼苗反蓋秦之縣邑大夫稱公若楚制王年少初即位委國事

大臣曰陽反

元年將軍蒙敖馬擊平定之

二年鹿公將卒攻卷

正義曰將子匠反卒子必反卷兵員反

斬首三萬

三年蒙鰲攻韓取十三城王齮死十月將軍蒙

鰲攻魏氏賜有詭

徐廣曰賜立日場。索隱曰音暢魏之邑名

歲大飢

四年拔賜有詭二月軍罷秦質子歸自趙趙太

子出歸國十月庚寅蝗蟲從東方來蔽天天下

疫百姓內粟千石拜爵一級

五年將軍鰲攻魏定酸東

地理志陳留有酸棗縣。正義曰括地志云酸棗故

城在滑州酸棗縣北十五里古酸棗縣南

燕虛長平

徐廣曰一作干駟案地理志汝南有長平縣也。索

隱曰二邑名春秋桓十二年會于虛又戰國策曰拔燕酸棗虛桃人桃人亦魏邑虛地今闕蓋與諸縣相近按今東郡燕

縣東三十里有故桃城則亦非遠。正義曰燕烏田反括地志云南燕城古燕國也滑州胙城縣是也姚虛在濮州雷澤

縣東十二里子經接神契云帝舜生於姚墟即雍丘山陽

東郡也長平故城在陳州宛丘縣西六十六里

城地理志陳留有雍丘縣河內南山比目拔之取二十城

陽縣正義曰雍於用反汴州縣

初置東郡冬雷

六年韓魏趙衛楚共擊秦取壽陵正義曰徐廣云在常山按

本趙邑也秦出兵五國兵罷拔衛迫東郡其君角率

其支屬徙居野王阻其山以保魏之河內

七年彗星先出東方見北方五月見西方正義曰彗音似

歲反見並音行練反孝經內記云彗出北斗兵大起彗在二

台臣害君彗在太微君害臣彗在天微諸侯作亂所指其處

大惡彗在日將軍敖馬死以攻龍孤慶都徐廣曰慶父

旁子欲殺父曰括地志云定州栢陽縣西南四十里有白龍水又有挾龍山又定州唐縣東北五十四里有孤山蓋都山也帝王紀云

望堯母慶都所居張晏云堯山在北堯母慶都山在南相去五十里北登堯山南望慶都山也注水經云望都故城東有

山不連陵名之曰孤孤都聲相近疑即都山孤山及望都故城三處相近還兵攻汲彗星復

見正義復扶富反見行見反西方十六日夏太后死索隱曰莊襄王所生母。

正義曰子楚母也

八年王弟長安君成蟜正義曰蟜音紀兆反成蟜者長安君名也號為長安君

將軍擊手趙反正義曰將如字將猶領也又子匠反死屯留正義曰括地志云屯留故

城在路州長子縣東北三十里漢屯留吁國也軍吏皆斬死遷其民於臨洮

正義曰臨洮水故名臨洮洮州在隴右去京千五百五十里一里言屯留之民被成蟜略眾共反故遷之於臨洮郡也將

軍壁死正義曰壁邊不見反言成蟜自殺壁壘之內卒屯留蒲鶮反戮其

屍徐廣曰鶮一作鶮屯留蒲鶮皆地名也壁於此地時士卒死者皆戮其屍。索隱曰臨洮在隴西高誘云屯留上黨

之縣名謂成嬌為將軍而反秦兵擊之而嬌壁於屯留而死屯留蒲鶮二邑之反卒雖死猶皆戮其死鶮古鶮字。正義

曰卒子勿心反鶮音高河魚大上索隱曰謂河水溢魚大上平地亦言遭水害也即漢

書五行志劉向所謂豕蟲之孽明年嫪毐誅魚陰類小人象。正義曰始皇八年黃河之魚西上入渭渭水也漢書五行

志云魚者陰類臣民之象也十七年滅韓二十六年盡并天下自滅韓至并天下蓋十年矣周本紀云十年數之紀也天

下之所棄不過其紀明關輕車重馬東就食徐廣曰東後屬秦其象類先見也

重字。索隱曰言河魚大上秦人皆輕車重馬並就食於東言往河旁食魚也一云河魚大上為災人遂東就食皆輕車

重馬嫪毐母正義上躬虬封為長信侯予之山陽地而去

正義曰予音與括地志云山陽故城今毐母居之索隱曰嫪毐姓王母字按

漢書嫪毐氏出邯鄲王劭云賈侍中說秦始皇母予嫪毐淫坐誅故世人罵淫曰嫪毐也

服苑園馳獵恣毒事無小大皆決於毐又以河

西徐廣曰河一作汾太原郡更為毒國

九年彗星見或竟天攻魏垣蒲陽

正義垣作垣垣音袁括地志云

故垣城漢縣治本魏王垣也在絳州垣縣西北二十里蒲陽故城在隰州縣北四十五里在蒲水之北故言蒲陽即晉公

子重耳所居邑也四月上宿雍蔡邕曰上者尊位所在也裴駘云司馬遷記事當言帝則依違

但言上不敢媒言尊尊之意也巳酉王冠帶劍徐廣曰年二十二。正義曰冠音灌禮記云年

二十而冠按長信侯毒作亂而覺矯王御璽蔡邕曰御

者進也凡衣服加於身飲食入於口妃妾接於寢皆曰御街之親愛者曰幸玺者印信也天子玺白玉螭虎鈕古者尊卑

共之月令曰固封玺左傳曰季武子玺書追而与之此諸侯大夫印稱玺也衛宏曰秦以前民皆以金玉為印龍虎鈕唯

其所好秦以來天子獨以印稱玺又獨以玉羣臣莫敢用。正義曰崔浩云李斯磨和璧作之漢諸帝世傳服之謂傳國

玺韋曜吳書云玺方四寸上勾交五龍文曰受命于天既壽永昌漢書云文曰昊天之上命皇帝壽昌按二文不同漢書元

后傳云王莽令王舜逼太后取玺王太后怒投地其角小缺  
吳志云孫堅入洛陽除漢陵廟軍於魏官并得玺後歸魏晉  
懷帝永嘉五年六月帝蒙塵平陽玺入前趙劉聰至東晉成  
帝咸和四年石勒滅前趙得玺穆帝永和八年石勒為慕容  
俊滅濮陽太守戴施入鄴得玺使何融送晉傳宋宋傳南齊  
南齊傳梁梁傳至天正二年侯景破梁至廣陵北齊將辛術  
定廣陵得玺送北齊至周建德六年正月平北齊至入周周傳隋隋傳唐也

縣卒正義子勿心反下同及衛卒官騎戎翟君公舍人將欲

攻斬年宮為亂地理志斬年宮在雍。正義曰斬巨衣反括地志云斬年宮在岐州城西故城

內王知之令相國昌皇平君昌文君發卒攻毒索隱

曰昌平君楚之公子立以為相後徙於郢項戰咸陽正義括

燕立為荆王史失其名昌文君亦不知也地志云咸陽故城亦名渭城在雍州北五里今咸陽縣東十五里秦孝公已下並都此城始皇鑄金人十二於咸陽即此

也斬首數百皆拜爵及官者皆在戰中亦拜爵

一級毒等敗走即令國中有生得毒賜錢百萬

殺之五十萬盡得毒等衛尉竭漢書百官表曰衛尉秦官內史

肆佐弋竭漢書百官表曰秦時少府有佐弋漢武帝改為飲飛掌弋射者正義弋音劫 中大

夫令齊等正義曰今力政反中大夫人秦官也齊名也二十人皆梟首縣首

於木上曰梟。正義曰梟古堯反縣首於木上曰梟 車裂衣以徇滅其宗正義曰說苑云秦始

皇太后不謹幸郎嫪毐始皇取毒四支車裂之取兩弟撲殺之取太后遷之咸陽宮下令曰以太后事諫者戮而殺之疾

藜其脊諫而死者二十七人茅焦乃上說曰齊安身茅焦願以太后事諫皇帝曰走告若不見闕下積死人耶使者問焦焦

曰陛下車裂假父有嫉妬之心囊撲兩弟有不慈之名遷母咸陽有不孝之行疾藜諫士有桀紂之治天下聞之盡瓦解

無向秦者王乃自迎太后歸咸陽立茅焦為傳又爵之上卿括地志云茅焦滄州人也及其舍人輕

者為鬼薪應劭曰取薪給宗廟為鬼薪也如淳曰律說鬼薪作三歲正義曰言毒舍人罪重者已刑戮

輕者罰徒役三歲

及奪爵遷蜀四千餘家家房陵

正義曰括地志

云房陵即今房州房陵縣古楚漢中郡地也是巴蜀之境地理志云房陵縣屬漢中都

也四月寒凍有死者

正義曰四月建巳之月孟夏寒凍民有死者以秦法酷急則天應之

而史書之故尚書洪範云急常寒若孔注云君行急則常寒順之

楊端和攻衍氏

索隱曰端

和秦將衍氏魏邑。正義曰衍羊善反在鄭州

彗星見西方又見北方從斗

以南八十日

十年

徐廣曰甲子

相國呂不韋坐譽毒免桓齮為將

軍齊趙來置酒齊人茅焦說秦王曰秦方以天

下為事而大王有遷母太后之名恐諸侯聞之

由此倍秦也秦王乃迎太后於雍而入咸陽

說苑

曰始皇帝立茅焦為傅又爵之上卿太后大喜曰天下亢復  
直使敗復成安秦社稷使妾母子復相見者茅君之力也

居甘泉宮

徐廣曰表云咸陽南宮也

大索逐客李斯上書說乃

止逐客令李斯因說秦王請先取韓以恐他國

於是使斯下韓韓王患之與韓非謀弱秦大梁

人尉繚來說秦王曰以秦之彊諸侯譬如郡縣

之君臣但恐諸侯合從翕而出不意此乃智伯

夫差湣王之所以亡也願大王母愛財物賂其

豪臣以亂其謀不過亡三十萬金則諸侯可盡

秦王從其計見尉繚元禮衣服食飲與繚同繚

曰秦王為人蜂準

徐廣曰蜂一作隆

正義曰蜂準逢反準章允反蜂準也高鼻也文穎曰

準鼻也 長目執手鳥雁膺正義曰執鳥鳥鵠膺突向前其性悍勇豺聲少恩而

虎狼心居約易出人下正義曰易以豉反言始皇居儉約之時易以謙卑得

志亦輕食人正義曰言始皇得天下之志亦輕易而啖食於人我布衣然見

我常身自下我誠使秦主得志於天下天下皆

為虜矣不可與久游乃亡去秦王覺固止以為

秦國尉正義曰若漢太尉大將軍之比也卒用其計策而李斯用

事

十一年王翦桓齧楊端和攻鄴取九城王翦攻

闕與掠楊徐廣曰掠音老在并州。正義曰漢表在清河十三州志云掠陽上黨西北百八十里也皆

并為一軍翦將十八日軍歸斗食以下漢書百官表曰百石

以下有斗食佐史之秩。正義曰一日得斗粟為料。什推二人從軍。索隱曰言王前為將軍中

皆歸斗食以下无功佐史。什中唯擇二人令從軍耳。取鄴安陽桓齒將。

十二年文信侯不韋死竊葬。索隱曰按不韋飲鴆死其賓客數千人竊

共葬於洛陽北共山。其舍人臨者晉人也逐出之。正義曰臨力禁反臨哭也

若是二晉之人逐出令歸也。秦人六百石以上奪爵遷。正義曰上音時掌反

若是秦人哭臨者奪其官爵。遷移於房陵。五百石以下不臨遷。勿奪爵。正義

曰若是秦人不哭臨不韋者不奪官爵亦遷移於房陵。自今以來操國事不道

如嫪毐不韋者籍其門視此。徐廣曰門一作文。索隱曰謂籍沒其一門皆

為徒隸後並視此為常。正義曰籍錄其子孫禁不得仕官。秋復嫪毐舍人遷蜀

者當是之時天下大旱六月至八月乃雨

十三年桓齮攻趙平陽

正義曰括地志云平陽故城在相州臨漳縣西二十五里

又云平陽戰國時屬韓後屬趙

殺趙將扈輒

正義曰扈音戶輒張獵反趙之將軍斬首

十萬王之河南正月彗星見東方十月桓齮攻

趙

十四年攻趙軍於平陽取且安

正義曰括地志云且安故城在常州臺城

縣西南二十五里也

破之殺其將軍桓齮定平陽武城

正義曰即

貝州武成縣外城是也七國時趙邑

韓非使秦秦用李斯謀留非非

死雲陽

正義曰括地志云雲陽城在雍州雲陽縣西八十里秦始皇甘泉宮在焉韓王請為

臣

十五年大興兵一軍至鄴一軍至太原取狼孟

地理志太原有狼孟縣地動

十六年九月發卒受地韓南陽假守正義曰假守音符

騰初令男子書年魏獻地於秦秦置麗邑正義曰麗

力知反括地志云雍州新豐縣本周時驪戎邑左傳云晉獻公伐驪戎杜注云在京兆新豐縣其後秦滅之以為邑

十七年內史騰攻韓得韓王安盡納其地正義曰韓

王安之九年秦盡滅之以其地為郡命曰潁川地動華陽太

后卒民大飢

十八年徐廣曰巴郡出大人長二十五丈六尺大興兵攻趙王翳將上

地正義曰上都上縣今綏州等是也下井陘服虔曰山名在常山今為縣音刑端和將

河內羗槐伐趙端和圍邯鄲城

十九年王翦羗痍正義胡盡定取趙地東陽得

趙王索隱曰趙王遷也。正義曰趙幽繆王遷八年秦取趙地至平陽平陽在貝州歷亭縣界遷王於房陵

引兵欲攻燕屯中山秦王之邯鄲諸嘗與王生

趙時母家有仇怨皆阬之秦王還從太原上郡

歸始皇帝母太后崩趙公子嘉率其宗數百人

之代自立為代王東與燕合兵軍上谷大飢

二十年燕太子丹患秦兵至國恐使荆軻刺秦

王秦王覺之體解正義紅軻以徇而使王翦辛

勝攻燕燕代發兵擊秦軍秦軍破燕易水之西

二十一年王賁正義音奔攻薊乃益發卒誄王翦軍

遂破燕太子軍取燕薊城得太子丹之首燕王

東收遼東而王之正義王于放反王翦謝病老歸新鄭反

昌平軍徙於郢大雨雪正義雨于遇反深一尺五寸

二十二年王賁攻魏引河溝灌大梁大梁城壞

其王請降索隱曰魏王假也盡取其地

二十三年秦王復召王翦彊起之使將擊荆正義

曰秦號楚為荆以莊襄王名子楚諱之故言荆也取陳以南至平輿地理志汝

縣。正義曰輿音餘平輿頰州虜荆王索隱曰荆王負芻也楚稱荆者以避

莊襄王諱秦王游至郢陳荆將項燕立昌平君為

荆王反秦於淮南徐廣曰淮一作江。正義曰曰平也楚淮北之地盡入於秦

二十四年王翦蒙武攻荆破荆軍昌平君死項

燕遂自殺

二十五年大興兵使王賁將攻燕遼東得燕王

喜正義曰燕王喜之還攻代虜代王嘉王翦遂定荆

江南地正義曰言王翦遂平定楚及降越君正義曰降

威王已滅其餘自稱君長今降秦置會稽郡五月天下大酺服虔曰

文穎曰酺周禮族師掌春秋祭酺為人物災害之神蘇林曰

陳留俗三月上巳水上飲食為酺。正義曰天下歡樂大飲

酒也秦既平韓趙魏燕楚五國故天下大酺也二十六年齊王建與其相后勝正義音升發兵守

其西界不通秦秦使將軍王賁從燕南攻齊得

齊王建

索隱曰六國皆滅也十七年得韓王安十九年得趙王遷二十二年魏王假降二十三年虜荆王負

蜀二十五年得燕王喜二十六年得齊王建

正義曰齊王建之三十四年齊國亡

秦初并天下

令丞

正義曰令力政反乃今之赦令赦書

相御史曰異日韓王納地

效璽

正義曰效猶至見

請為藩臣已而倍約與趙魏合

從畔秦故興兵誅之虜其王寡人以為善庶幾

息兵革趙王使其相李牧來約盟故歸其質子

正義曰質音致

已而倍盟反我太原故興兵誅之得其王

趙公子嘉乃自立為代王故舉兵擊滅之魏王

始約服入秦已而與韓趙謀龍衣秦秦兵吏誅遂

破之荆王獻青陽以西

漢書鄒陽傳曰越水長沙羅舟青陽張晏曰青陽地名蘇

林曰青陽長沙縣是也

已而畔約擊我南郡故發兵誅得其  
王遂定其荆地燕王昏亂其太子丹乃陰令荆  
軻為賊兵吏誅滅其國齊王用后勝計絕秦使  
欲為亂兵吏誅虜其王平齊地寡人以眇眇之  
身與兵誅暴亂賴宗廟之靈六王咸伏其辜天  
下大定今名號不更無以稱成功傳後世其議  
帝號丞相綰御史大夫劫漢書百官表曰御史大夫秦官應劭曰侍御史之率  
故稱大夫也。索隱曰綰姓馮廷尉斯等漢書百官表曰廷尉秦官與眾共之兵獄同制故稱廷尉皆曰昔者五帝地方千里其外侯  
服夷服諸侯或朝或否天子不能制今陛下蔡邕

曰陛階也所由升堂也天子必有近臣立於陛側以戒不虞  
謂之陛下者羣臣與天子言不敢指斥故呼在陛下者與之  
言因卑達尊之意與義兵誅殘賊平定天下海內  
也上書亦如之

為郡縣正義曰郡人所羣聚也法令由一統自上古呂來未

嘗有五帝所不及臣等謹與博士議曰漢書百官表曰

博士秦官掌通古今古有天皇有地皇有泰皇索隱曰按天皇地皇之下即云泰皇最

貴臣等昧死上尊號王為泰皇命為制令為詔秦皇當人皇也而封禪書云昔者太帝使素女鼓瑟而非蓋三皇已前稱泰皇一云泰皇太昊也

蔡邕曰制書帝者制度之命也其文曰制詔詔書詔告。正義曰令音力政反制詔三代無文秦始有之

天子蔡邕曰朕我也古者上下共稱之貴賤不嫌則

自稱曰朕蔡邕曰朕我也古者上下共稱之貴賤不嫌則

屈原曰朕皇考至秦然後天子獨以為稱漢因而不改

王曰去泰正義曰去音丘呂反著皇

采上古帝位號號曰皇帝他如議制曰可蔡邕曰君聖臣有

所奏請尚書令奏之下有追尊莊襄王為太上皇漢

司曰制天子答之曰可制曰朕聞太古有號母謚中古有

祖尊父曰太上號死而以行為謚如此則子議父臣議君也甚

皇亦放此也無謂朕弗取焉自今已來除謚法謚法周公所作朕為始

皇帝後世以計數正義色主反二世三世至于萬世傳

之無窮始皇推終始五德之傳鄭玄曰音亭傳

傳次也謂五行之德始終相次也漢書郊祀志曰以為周

得火德秦代周德從所不勝正義曰勝申證反秦以

也故稱從其方今水德之始索隱曰封禪書曰秦文公

所不勝於秦方今水德之始獲黑龍以為水瑞秦皇因

自謂為改年始朝賀正義曰周以建子之月為正秦以建亥之月為正故其年始用十月而朝

賀皆自十月朝衣服旌旌節旗正義曰旌音精旌音毛旗音其周禮云折

羽為旌熊虎為旗旌節者編毛為之以象竹節漢書云蘇武執節在匈奴牧羊節毛盡落是也韋昭云節者山國用人節

澤國用龍節皆以金為之道路以旌節皆用竹為之皆上黑正義曰以

方故數以六為紀符法冠皆六寸而輿六尺六

尺為步乘六馬張晏曰水北方黑終數六故以六寸為符六尺為步贊曰水數六故以六為名

譙周曰步以人足為數非獨秦制然。索隱曰管子司馬法皆云六尺為步譙周以為步以人足非獨秦制又按禮記王

制曰古者八尺為步今以周尺六尺四寸為步步之尺數亦不同更名河曰德水以為

水德之始剛毅戾深事皆決於法刻削母仁恩

和義然後合五德之數索隱曰水主陰陰刑殺故於急法刻削以合五德之數於

是急法久者不赦丞相綰等言諸侯初破燕齊

荆地遠不為正義于偽反置王母以填之請立諸子唯

上幸許始皇下其議於羣臣羣臣比日以為便廷

尉李斯議曰周文武所封子弟同姓甚眾然後

屬疏遠相攻擊率如仇離諸侯更相誅伐周天子

弗能禁止今海內賴陛下神靈一統皆為郡縣

諸子功臣以公賦稅重賞賜之甚足易制天下

無異意正義易音以職反則安寧之術也置諸侯不便始

皇曰天下共苦戰鬪不休以有侯王賴宗廟天

下初定又復立國是樹兵也而求其寧息豈不

難哉廷尉議是分天下以為三十六郡者三十六郡

東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右北平遼西遼東代郡鉅鹿邯鄲上黨太原

雲中九原鴈門上郡隴西北地漢中巴郡蜀郡黔中長沙凡三十五與內史為三十六郡。正義曰風俗通云周制天子

方千里分為百縣縣有四郡故左傳云上大夫受縣下大夫受郡秦始皇初置三十六郡以監縣也郡置守

尉監漢書百官表曰秦郡守掌治其郡有丞尉掌佐守典武職甲卒監御史掌監郡更名民曰

黔首應劭曰黔亦黎黑也大酺收天下兵應劭曰古者以銅為兵聚之咸

陽銷以為鍾鐻徐廣曰音巨金人十二重各千石正義

曰漢書五行志云二十六年有大人長五丈足履六尺皆夷狄服凡十二人見于臨洮故銷兵器鑄而象之謝承後漢書

云銅人各仲其名也三輔舊事云聚天下兵器鑄銅人十二各重二十四萬斤漢世在長樂宮門魏志董卓傳云椎破銅

人十及銅鑪以鑄小錢關中記云董卓壞銅人餘二枚徙清門表魏明帝欲將詣洛載到霸城重不可致後石季龍徙之

鄴符堅又徙入長安而銷之英雄記云昔大  
人見臨洮而銅人鑄至董卓而銅人毀也 置廷宮中一

法度衡石丈尺車同軌書同文字地東至海暨

朝鮮正義曰暨其記反朝音朝鮮音仙海謂渤海南至揚  
蘇台等州之東海也暨及也東北朝鮮國括地志云

高驪治平壤城本漢樂浪郡王險城即古朝鮮也 西至臨洮羌中正義曰洮吐  
高反括地志

云臨洮郡即今洮州亦古西羌之地在京西千五百五十  
一里羌中從臨洮西南芳州扶松府以西並古諸羌地也南

至北鄉戶吳都賦曰門北戶以向日劉逵曰  
日南之北戶猶曰北之南戶也北據河為

塞並陰山至遼東地理志西河有陰山縣正義曰塞  
先代反並日浪反謂靈夏勝等州之

北黃河陰山在朔州北塞外從河傍陰山東至遼東築長城為北界徙天下豪富於咸

陽十二萬戶諸朝及章臺上林皆在渭南秦每

破諸侯寫放其宮室作之咸陽北阪上徐廣曰在  
長安西北

漢武時別名渭城。正義曰今咸陽縣北阪上。正南臨渭自雍門。徐廣曰在高陵。正義曰今

岐州雍縣東。以東至涇渭。毀屋複道周閣相屬。正義曰復音福

屬之。欲反廟記云北至九變甘泉南至長楊五柞東至河西。至涇渭之交東西八百里。離宮別館相望。蜀地木衣綿繡。上

被朱紫宮人不徙窮年忘歸。猶不能遍也。所得諸侯美人鍾鼓以充入之。

正義曰三輔舊事云始皇表河以為秦東門表。沂以為秦西門表。中外致觀百四十五後宮列女萬餘人。氣上衝于天。

二十七年始皇巡隴西。正義曰隴西今隴右北地。正義曰今出

雞頭山。正義曰括地志云雞頭山在成都上。祿縣東北二十

名也。後漢書隗囂傳云王猛塞雞頭山。即此也。按原州高縣過

西百里亦有并頭山。在京西北八百里。黃帝雞山之所。過

回中焉。應劭曰回中在安定高平孟康曰回中在北地。皇欲西巡隴西之北。從咸陽向西北出寧州西四十里。言始

南行至成州出雞頭山東還過岐州回中宮。作信宮渭

南已更命信宮為極廟象天極索隱曰為宮廟象天極故曰極廟天

官書曰中宮曰天極是也自極廟道通鄠山作甘泉前殿築甬

道應劭曰築垣牆如街巷。正義曰築音竹不用音勇。應劭云謂於馳道外築木牆天子於中行外人不見自咸

陽屬之是歲賜爵一級治馳道應劭曰馳道天子道也道若今之中

道然漢書賈山傳曰秦為馳道於天下東窮燕齊南極吳楚江湖之上濱海之觀畢至道廣五十步三丈而樹厚築其外

隱以金椎樹以青松

二十八年始皇東行郡縣上鄠嶧山韋昭曰鄠魯

正義曰上一山掌反鄠側留反嶧音亦國系云邾嶧山亦名鄠山在兗州鄒縣南二十二里魯穆公改邾作鄠其山遂從

邑變山北去黃河三百餘里立石與魯諸儒生議刻石頌秦德

議封禪正義曰晉太康地記云為壇於太山以祭天示增高也為壇於梁父以祭地示增廣也祭尚玄酒而俎



魚壇皆廣長十二丈壇高二尺階三等而樹石望祭山川  
太山之上高二丈一尺廣二尺秦之刻石云

之事乃遂上泰山正義曰太山一曰岱宗東嶽也在兗州博城縣西北三十里山海經云泰

山其上多玉其下多石鄭璞云從泰山下至山頭百四十八里三百步道書福地記云泰山高四千九百丈二尺周迴二

千里多芝草玉石長津甘泉仙人室又有地獄六曰鬼神之府從西上下有洞天周迴三千里鬼神考適之府立石

封祠祀服虔曰增天之高歸功於天張晏曰天高不可及於泰山上立封禪而祭之與近神靈也瓚曰積土

為封謂負土於泰山上為壇而祭之下風雨暴至休於樹下因封其樹

為五大夫正義封作復音福禪梁父服虔曰禪闡廣土地也瓚曰古者聖王封泰山禪亭

亭或梁父皆太山下小山除地為壇祭於梁父後改刻所

立石其辭曰皇帝臨位作制明法臣下脩飭索隱

曰此泰山刻石銘其詞每三句為韻凡十二韻二十有六

年初并天下罔不賓服親巡遠方黎民登茲泰

山周覽東極從臣思迹正義從財用反本原事業祇誦

功德正義祇音脂治道運行諸產得宜皆有法式大義

休明垂于後世順承勿革皇帝躬聖既平天下

不懈於治夙興夜寐建設長利正義長直良反專隆教

誨訓經宣達遠近畢理咸承聖志貴賤分明男

女禮順慎遵職事昭隔內外徐廣曰隔一作融靡不清淨

施于後嗣化及無窮遵奉遺詔永承重戒於是

乃並勃海以東正義並白浪反勃作渤蒲忽反過黃腫地理志東萊有黃縣腫縣

正義曰腫逐瑞反字或作腫括地志云黃縣故城在萊州城以東南二十五里古萊子國也至平縣城在黃縣南百二

十里十三州志云窮成山登之罘地理志之罘山在腫

牟平縣古腫縣也窮成山登之罘正義曰罘音浮

括地志云在萊州文登縣東北百八十里成山在文登縣西

北百九十里窮猶登極也封禪書云八神五曰陽主祠之罘

七日曰主祠成山成山斗入海又云立石頌秦德焉而

之罘山在海中文登縣古腫縣也

去南登琅邪正義曰今兗州東沂大樂之留二月乃

徙黔首三萬戶琅邪臺下地理志云越王勾踐嘗治

山海經曰琅邪臺在渤海間蓋海畔有山形如臺在琅邪故曰

郎耶臺。正義曰括地志云密州諸城縣東南百七十里有

琅耶臺越王勾踐觀臺也臺西北十里有琅耶故吳春秋云

越王勾踐二十五年徙都琅耶立觀臺以望東海遂號令秦

晉齊楚以尊輔周室歃血盟即勾踐起臺處括地志云琅耶

山在密州諸城縣東南百四十里始皇立層臺於山上謂之

琅耶臺孤立衆山之上秦王樂復十一歲正義曰復音福

之留二月立石山上頌秦德也

復十一歲正義曰復音福

琅耶臺

作琅邪臺立石刻頌秦德明德意曰

曰二

索隱

曰二

索隱

曰二

索隱

曰二

韻為維二十六年皇帝作始端平法度萬物之紀

以明人事合同父子聖智仁義顯白道理東撫

東土以省卒士正義省山井反卒子忽反事已大異乃臨于海

皇帝之功勤勞本事上農除末黔首是富普天

之下搏心揖志索隱曰搏古專字左傳云如琴瑟之搏壹揖音集哭祀械一量正義

曰內成曰器甲田胃毗九殺釜之屬外成曰械戈矛弓戟之屬壹量者同度量同書文字日月所

照舟輿所載皆終其命莫不得意應時動事是

維皇帝匡飭異俗陵水經地正義陵作陵猶歷止也經界也憂恤

黔首朝夕不懈除疑定法咸知所辟正義音避方伯

分職諸治經易正義曰易音以鼓反言方伯分職治所理常在平易舉錯必當

莫不如畫

正義曰畫音戶卦反謂政理齊整分明若畫無邪惡

皇帝之明臨察

四方尊卑貴賤不踰次行

正義音胡郎反

茲邪不容皆務

貞良細大盡力莫敢怠荒遠邇辟隱正義辟延亦反專

務肅莊端直敦忠事業有常皇帝之德存定四

極誅亂除害興利致福節事以時諸產繁殖黔

首安寧不用兵革

正義協韻音棘

六親相保終無寇賊驩

欣奉教盡知法式六合之內皇帝之土西涉流

沙

正義解見夏紀

南盡北戶東有東海北過大夏

索隱曰協韻音戶下

無不臣者音渚澤及牛馬音姥。正義曰杜預云大夏太原晉陽縣按在今并州遷實沉於大夏主參即此也人迹

所至無不臣者功蓋五帝澤及牛馬莫不受德

各安其宇維秦王兼有天下立名為皇帝乃撫

東土至于琅邪列侯張晏曰列侯者見序例武城侯王離列

侯通武侯王賁倫侯建索隱曰爵卑於列侯無封邑者倫類也亦列侯之類成

侯趙亥倫侯昌武侯成倫侯武信侯馮毋擇丞

相隗索隱曰隗姓林名有本作狀者非顏之推云隋開皇初京師穿地得鑄秤權有銘云始皇時量器丞

相隗狀王縮二人列名其作狀貌之字時令校寫親所按承

相王縮鄉李斯鄉王戊五大夫趙嬰五大夫楊

繆正義音居虬反從與正義曰上才用反下預言王離以下十人從始皇咸與始皇議功德於海上立石於

琅耶臺下十人名字並刻頌議於海上正義曰此頌前後序兩句為韻此三句為韻曰古

之帝者地不過千里正義曰過音戈千里謂王畿諸侯各守其

封域或朝或否相侵暴亂殘伐不止猶刻金石

以自為紀古之五帝三王知教不同法度不明

假威鬼神正義曰言五帝三王假借鬼神之威以欺遠

方實不稱名正義稱尺證反故不久長其身未歿諸侯倍

叛法令不行今皇帝并一海內以為郡縣天下

和平昭明宗廟體道行德尊號大成羣臣相與

誦皇帝功德刻于金石以為表經既已齊人徐

市等上書言海中有二神山名曰蓬萊方丈瀛

洲正義曰漢書郊祀志云此三神山者其傳在渤海中去人不遠

善曾有不死者諸仙人及不死之藥皆在焉其物禽獸盡白而黃金白銀為宮闕未至望之如雲及至三神山乃居水下臨之患且至風輒引船而去終莫能至云世主莫不甘

心僊人居之請得齋戒與童男女求之於是遣

馮市發童男女數千人入海求僊人正義曰括地志云亶洲在

東海中秦始皇使徐福將童男女入海求仙人止在一作正此

洲其數萬家至今洲上人有至會稽而易者吳人外國圖云

賣洲去琅耶萬里始皇還過彭城正義曰彭城徐州所理縣也

泗水使千人没水求之弗得乃西南渡淮水之

衡山正義曰括地志云衡山一名岫婁山在衡州湘潭縣西四十一里岫音句嶠音樓南郡正義曰今

荆州也言欲向衡山即西浮江至湘山祠正義曰括地志云黃陵廟

北過南郡入沅關至咸陽浮江至湘山祠志云黃陵廟

在岳州湘陰縣北五十七里舜二妃之神二妃塚在湘陰北

一百六十里青草山上盛弘之荆州記云青草湖南有青草

山湖因山名焉列女傳云舜陟方死於蒼梧二妃死於江湘

之間因葬焉按湘山者乃青草山山近湘水廟在山南故言

湘山祠逢大風幾不得渡上問博士曰湘君何神博

士對曰聞之堯女舜之妻而葬此索隱曰列女傳亦以湘君為堯

女按楚詞九歌有湘君湘夫人夫人是堯女則湘君當是舜今此文以湘君為堯女是摠而言之於是始

皇大怒使刑徒三千人皆伐湘山樹赭其山正義

者上自南郡由武關歸應劭曰武關秦南關通南陽文穎曰武關在新西百七十

里弘農界。正義曰括地志云故武關在商州商洛縣東九十里春秋時少習也杜預云習商縣武關也

二十九年始皇東游至陽武博狼沙中地理志河南陽武縣

有博狼沙。正義狼音浪為盜所驚求弗得乃令天下大索十

日登之罘刻石其辭曰索隱曰三句為韻維二十九年時

在中春正義曰中音仲古者帝王巡狩常以中月陽和方起皇帝東游巡

登之罘臨照于海從臣嘉觀正義從才用反觀音館原念休

烈追誦本始大聖作治建定法度顯著綱紀外

教諸侯光施文惠明以義理六國回辟正義必亦反貪

戾無馱正義於廉反虐殺不已皇帝哀衆遂發討師奮

揚武德義誅信行威燁旁達徐廣曰燁充善反莫不賓服

烹滅彊暴振救黔首周定四極普施明法經緯

天下永為儀則大矣哉字宇宙縣赤縣承順

聖意索隱曰協韻音憶羣臣誦功請刻于石表垂于常式

其東觀曰維二十九年皇帝春游臨見省遠方逮

于海隅遂登之罘昭臨朝陽觀望廣麗從臣咸

念原道至明聖法初興清理疆內外誅暴彊武

威旁暢振動四極禽滅六王闡并天下蓄害絕

息永偃戎兵皇帝明德經理宇內視聽不怠索隱

曰怠協旗疑韻怠音銅慕反故國語范彖融曰得時不怠時不再來亦以怠與臺為韻作立大義昭

設備器咸有章旗職臣遵分各知所行事無嫌

疑黔首改化遠邇同度臨古絕尤常職既定後

嗣循業長承聖治羣臣嘉德祇誦聖烈請刻之

累旋遂之琅邪道上當薰入索隱曰道猶從也

三十年無事

三十一年徐廣曰使黔首自實田也十一月更名臘曰嘉平太原

真人茅盈內紀曰始皇二十一年九月庚子盈魯祖父蒙乃於華山之中乘雲駕龍白日升天先是其邑謠歌曰神仙得

者茅初成駕龍上升入泰清時下玄洲戲赤城繼出而往在

我盈帝若學之臘嘉平始皇聞謠歌而問其故父老具對此

仙人之謠歌勸帝求長生之術於是始皇欣然乃有尋仙之

志因改臘曰嘉平。索隱曰廣雅曰夏曰清祀穀曰嘉平周

曰大蜡亦曰臘秦更曰嘉平蓋應歌謠之詞而改從穀號也

道書茅濛字初成今此云茅濛初成者為神仙之道其意失

也蓋由裴氏所引不明或後人增益濛字遂令七言之詞有衍爾

羊始皇為微行咸陽張晏曰若微賤之所為故曰微行也與武士四

人俱夜出逢盜蘭池地理志渭城縣有蘭池宮。正

蘭池在咸陽縣界秦記云始皇都長安引渭水為池築為蓬臺刻石為鮪長二百丈逢盜之處也見窘武

士擊殺盜關中大索二十日米石千六百

三十二年始皇之碣石使燕人盧生求羨門韋昭

曰古高誓正義曰亦古仙人刻碣石門徐廣曰一作盟壞城郭決通

隄防其辭曰正義曰此一頌三句為韻遂興師旅誅戮無道為

逆滅息武殄暴逆文復無罪徐廣曰復一作夏正

力能殄息暴逆以文訓道令無罪失故復除之庶心咸服惠論功勞賞及牛

馬恩肥土域皇帝奮威德并諸侯初一泰平墮

壞城郭正義曰隋音許規反壞音怪墮毀也壞音戶怪

反決通川防夷去險阻地勢既定黎庶無繇正義

遙音天下咸撫男樂其疇女修其業事各有序惠

被諸產久並來田徐廣曰久一作分莫不安所羣臣誦烈

請刻此石垂著儀矩因使韓終侯公石生求仙

人不死之藥始皇巡北邊從上郡入燕入盧生

使正義音所吏反入海還以鬼神事因奏錄圖書曰云秦

者胡也鄭玄曰胡胡亥秦二世名也秦見始皇乃使將

軍蒙恬發兵二十萬人北擊胡略取河南地正義

曰今靈夏勝等州秦略取之

三十三年發諸賞逋云人贅壻贊曰贅謂居窮有子使就其婦家為

贅賈人略取陸梁地正義曰山嶺南之人多處山為柱

林韋昭曰今鬱林是也。索隱曰謂象郡韋昭曰南海

正義曰即廣以適遣戍徐廣曰五十萬人守五嶺。正義曰適音直革反戍守也廣州記云

五嶺者大庾始安臨賀揭揚桂陽輿地志云一曰臺嶺亦名塞上今名大庾二曰騎田三曰都龍四曰萌諸五曰越嶺

西北斥逐匈奴自榆中徐廣曰在金城並河以東服虔曰並音傍傍依

也屬之陰山徐廣曰在五原北。正義曰屬之欲廣按五原今勝州也以為二十

四縣城河上為塞又使蒙恬渡河取高闕正義曰山

名在五原北兩山相對陶山北假中晉灼曰王莽傳云五原北假膏壤殖

若闕甚高故言高闕穀北假地名也。索隱曰高闕山名北假地名近五原。正義曰酈元注水經云黃河逕河目縣故城西縣在北假中北

假地名按河目縣屬勝州名河築亭障以逐戎人徙

北漢書地理志云屬五原縣索隱曰徙有罪而謫之以實初縣即上自謫實之初縣榆中屬陰山以為三十四縣是也故漢七

科謫亦禁不得祠明星出西方徐廣曰皇甫謐云彗星見

三十四年適治獄吏不直者築長城及南越地

正義曰謂成五始嶺是南方越地始皇置酒咸陽宮博士七十人前

為壽時僕射

正義音夜

周青臣

漢書百官表曰僕射秦官古者重武官有主射以督課之

應劭曰僕主也

進頌曰他時秦地不過千里賴陛下神靈

明聖平定海內放逐蠻夷日月所照莫不賓服

以諸侯為郡縣人人自安樂無戰爭之患傳之

萬世自上古不及陛下威德始皇悅博士齊人

淳于越進曰臣聞殷周之王千餘歲封子弟功

臣自為枝輔今陛下有海內而子弟為匹夫卒

有田常六卿之臣無輔拂

正義蒲筆反

何以相救哉

事不師古而能長久者非所聞也今青臣又面

諛以重陛下之過非忠臣始皇下其議丞相李

斯曰五帝不相復三代不相龍表各以治非其相  
反時變異也今陛下創大業建萬世之功固非  
愚儒所知且越言乃三代之事何足法也異時  
諸侯並爭厚招游學今天下已定法令出一百  
姓當家則力農工士則學習法令辟禁正義令力  
性反辟音  
避今諸生不師今而學古以非當世惑亂黔首  
丞相臣斯昧死言古者天下散亂莫之能一是  
以諸侯並作語比道古以害今飾虛言以亂實  
人善其所私學徐廣曰私一作知以非上之所建立今皇  
帝并有天下別黑白而定一尊私學而相與非

法教人聞令下則各以其學議之入則心非出

則巷議夸主正義夸口瓜反以為名異取以為高率羣

下以造謗如此弗禁則主勢降乎上黨與成乎

下禁之便臣請史官非秦記比日燒之非博士官

所職天下敢有藏詩書百家語者悉詣守尉雜

燒之有敢偶語詩書弃市應劭曰禁民聚語畏其以

古非今者族吏見知不舉者與同罪令下三十

日不燒黥以為城旦如淳曰律說論決為髡鉗輸邊築長

也歲也所不去者醫藥卜筮種樹之書若欲有學法

令徐廣曰一無法令一字以吏為師制曰可

三十五年除道道九原

地理志五原郡有九原縣

抵雲陽

徐廣曰表

云道九原通甘泉

塹山堙谷直通之於是始皇以為咸陽

人多先王之宮廷小吾聞周文王都豐武王都

鎬豐鎬之間帝王之都也乃營作朝宮渭南上

林苑中先作前殿阿房

正義曰房白郎反括地志云秦阿房宮亦曰阿城在雍州

長安縣西北一十四里按宮在上林苑中雍州郭城西南面即阿房宮城東面也顏師古云阿近也以其去咸陽近且號

阿東西五百步南北五十丈上可以坐萬人下

可以建五丈旗

索隱曰此以其形名宮也言其宮四阿房廣也故云下可建五丈之旗也阿房

後為宮名。正義曰三輔舊事云阿房宮東西三里南北五百步庭中可受萬人又鑄銅人十二於宮前阿房宮以慈石

為門阿房宮之北闕門也

周馳為閣道自殿下直抵南山表南

山之顛以為闕為復道自阿房渡渭屬之咸陽

以象天極閣道絕漢抵營室也索隱曰謂為復道渡渭屬咸陽象天

文閣道絕漢抵營室也天宮書曰天極紫宮後十七星絕漢抵營室曰閣道阿房宮未成

欲更擇今名名之作宮阿房故天下謂之阿房

宮隱宮正義曰餘刑見於市朝宮刑一百日隱於陰室養之乃可故曰隱宮下蠶室是徒刑者

七十餘萬人乃分作阿房宮或作麗山發北山

石榑乃寫蜀荆地材皆至關中計宮三百關外

四百餘於是立石東海上胸界中以為秦東門

因徙三萬家麗邑正義麗音離五萬家雲陽皆復不

事十歲盧生說始皇曰臣等求芝竒藥仙者常

弗遇類物有害之者方中人主時為微行以辟  
惡鬼惡鬼辟真人至人主所居而人臣知之則  
害於神真人者入水不濡入火不爇正義而說反陵雲  
氣與天地久長今上治天下未能恬惓願上所  
居宮毋令人知然後不死之藥殆可得也於是  
始皇曰吾慕真人自謂真人不稱朕乃令咸陽  
之旁二百里內宮觀二百七十復道甬道相連  
帷帳鍾鼓美人充之各案罽者不移徙行所幸有  
言其處者罪死始皇帝幸梁山宮徐廣曰在好時正義曰括地  
志云俗名望宮山在雍州好時縣西十二里北去梁山九里秦始皇起從山上見丞相車騎衆弗善即此山也從山

上見丞相車騎衆弗善也中人或告丞相丞相  
 後損車騎始皇怒曰此中人泄吾語案問莫服  
 當是時詔捕諸時在旁者皆殺之自是後莫知  
 行之所在聽事羣臣受決事悉於咸陽宮侯生  
 說死曰韓客侯生也盧生相與謀曰始皇爲人天性剛戾自  
 用起諸侯并天下意得欲從以爲自古莫及已  
 專任獄吏獄吏得親幸博士雖七十人特備負  
 弗用丞相諸大臣皆受成事倚辦於上上樂以  
 刑殺爲威正義樂五孝反天下畏罪持祿莫敢盡忠上不  
 聞過而日驕下懾伏謾欺以取容秦法不得兼

方徐廣曰一云并力。正義曰言秦魔法不得兼方者不驗

輒死然候星氣者至三百人皆良士畏忌諱諛

不敢端言其過天下之事無小大皆決於上上

至以衡石量書石百二十斤。正義曰衡秤衡也言表

休息日夜有呈不中呈正義中不得休息貪於權勢

至如此未可為求仙藥於是乃亡去始皇聞亡

乃大怒曰吾豈削天下書不中用者盡去之悉

召文學方術士甚衆欲以興太平方士欲練以

求竒藥徐廣曰一云今聞韓衆正義去不報徐市

等費以巨萬計終不得藥徒姦利相告日聞徐

廣

作曰盧生等吾尊賜之甚厚今乃誅謗我以重

吾不德也諸生在咸陽者吾使人廉問或為詆

言以亂黔首於是使御史悉案問諸生諸生傳

相告引乃自除犯禁者四百六十餘人皆阮之

咸陽使天下知之以懲後益發謫徙邊

徐廣曰表云徙

始皇長子扶蘇諫曰天下初定

遠方黔首未集諸生皆誦法孔子今上皆重法

繩之臣恐天下不安唯上察之始皇怒使扶蘇

北監蒙恬於上郡

正義曰括地志云上郡故城在綏州上縣東南五十里秦

三十六年熒惑守心有墜星下東郡至地為石



浙江圖書館




浙江圖書館



浙江圖書館




浙江圖書館



史記



浙江圖書館





浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black